

CUIUS SUPRA ITALICIS DIRECTA.

34r

Pius Romanae urbis archiepiscopus Italicis fratribus salutem in domino.

1

Scitis, fratres, quia dei agricultura sumus, ideo eius adiutores esse debemus
secundum gratiam, quam ipse dedit nobis. Si autem hoc esse neglexerimus, nulli
5 dubium est, quod damnabimur. Si vero in eius servitio pro viribus laboraverimus
verique eius adiutores fuerimus eiusque voluntatem implere studuerimus, pro-
fecto ab eo ditabimur, quia uniuscuiusque opus, quale sit, ut ait apostolus, dies
domini declarabit et ignis probabit.

2

Ad sedem autem apostolicam perlatum est, quod sint inter vos contentiones et
10 aemulationes, et praedia divinis usibus tradita quidam humanis applicant usibus
et domino deo, cui tradita sunt, ea subtrahunt, ut suis usibus inserviant. Quapropter
ab omnibus illius usurpationis contumelia depellenda est, ne praedia sibi
secretorum caelestium dicat a quibusdam irruentibus vexentur. Quod, si quis
praesumpserit, sacrilegus habeatur et sicut sacrilegus iudicetur. Ipsos autem, qui
15 hoc agunt, clericos et domini sacerdotes persequi eosque infamare audivimus, ut
malum super malum addant et deteriores fiant, non intellegentes, quod ecclesia
dei in sacerdotibus consistit et crescit in templum dei et, sicut, qui ecclesiam dei
vastat, eius praedia et donaria exspoliat et invadit, fit sacrilegus, sic et ille, qui
eius sacerdotes insequitur, sacrilegii reus existit et sacrilegus iudicatur. Aemu-
20 lamini, fratres, carismata meliora et nolite talia agere, nec eis misceri aut con-
sentire, qui talia agunt, quoniam non solum, qui talia agunt, sunt huius criminis
rei, sed qui facientibus consentiunt. Non ergo gravius peccatum est fornicatio
quam sacrilegium, et sicut maius est peccatum, quod in deum committitur quam
quod in hominem, sic gravius est sacrilegium agere quam fornicari.

3

De talibus enim ait apostolus: Et vos inflati estis et non magis luctum habuistis,
25 ut tollatur de medio vestrum, qui hoc opus fecit. Ego quidem absens corpore,
praesens autem spiritu, iam iudicavi ut praesens eum, qui sic operatus est, in
nomine domini nostri Iesu Christi congregatis vobis et meo spiritu cum virtute
domini Iesu tradere huiusmodi satanae in interitum carnis, ut spiritus salvus sit in
30 die domini nostri Iesu Christi. Non bona gloriatio vestra. Nescitis, quia modicum
fermentum totam massam corrumpit? Expurgate, inquit apostolus, vetus fer-
mentum, ut sitis nova conspersio, sicut estis azimi. Etenim pascha nostrum im-
molatus est Christus. Itaque epulemur, non in fermento veteri neque in fermento
maliciae et nequitiae, sed in azimis sinceritatis et veritatis. Scripsi vobis in epis-
35 tola, ait idem ipse apostolus, ne commisceamini fornicariis, non utique fornicariis
huius mundi aut avaris aut rapacibus aut idolis servientibus. Alioquin debueratis
de hoc mundo exisse. Nunc autem scripsi vobis non commisceri. Si quis autem
frater nominatus est fornicator aut avarus aut idolis serviens aut maledicus aut
ebriosus aut rapax, cum eiusmodi nec cibum sumere. Quid enim mihi de his, qui
40 foris sunt, iudicare? Nonne de his, qui intus sunt, vos iudicatis? Nam eos, qui
foris sunt, deus iudicabit. Auferte malum ex vobis ipsis. Audet aliquis vestrum,
habens negotium adversus alterum, iudicari apud iniquos et non apud sanctos? An
nescitis, quoniam sancti dei de mundo iudicabunt? Et si in vobis iudicabitur mun-
45 dus, indigni estis quidem, ut de minimis iudicetis. Nescitis, quoniam angelos
iudicabimus, quanto magis saecularia? Saecularia igitur iudicia, si habueritis,
contemptibiles, qui sunt in ecclesia, illos constituite ad iudicandum. Ad verecun-
diam vestram dico, sic non est inter vos sapiens quisquam, qui possit iudicare

4

34v

inter fratrem suum, sed frater cum fratre iudicio contendit, et hoc apud infideles? Iam quidem omnino delictum est in vobis, quod iudicia habetis inter vos. Quare non magis iniuriam accipitis? Quare non magis fraudem patimini? Sed vos iniuriam facitis et fraudatis, et hoc fratribus. An nescitis, quia iniqui regnum dei non possidebunt? Nolite errare. Neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum dei possidebunt. Et haec quidem fuistis, sed abluti estis, sed sanctificati estis in nomine domini nostri Iesu Christi et in spiritu dei nostri. 50 55

5 De cetero salva in omnibus apostolica auctoritate quaecumque sunt ad religionis observantiam pertinentia, locis suis et a suae dioceseos synodis audiantur. Et si quis sacerdotum vel reliquorum clericorum suo episcopo inoboediens fuerit aut ei insidias paraverit aut contumeliam aut calumniam et convinci potuerit, mox curiae tradatur. 60

6 Qui autem facit iniuriam, recipiat hoc, quod inique gessit. Corruptum enim mores bonos colloquia mala. Evigilate iusti et nolite peccare.

7 Data Idus Martii Claro et Severo vv. cc. cons.